

Madurese - Salamet Alketab - Deliverance Scriptures

Angkana - Etongan 10:35 Sabban Petthe Parjanjiyan jareya egiba mangkat, Mosa adhabu, "Ngereng ngadek, GUSTE; pasalbuddagi mosoepon Junandalem sopaja oreng se baji' ka Junandalem padha'a buru."

Olangan 23:5 Tape GUSTE Jehovahna ba'na ta' kasokan meyarsa'agi Bileyam jareya. Sabaligga, babaston jareya bi' PANGERAN eoba epadaddi berkat, sabab PANGERAN taresna ka ba'na. (Nehemiya 13:2)

Jabur 44:4(5) Junandalem Rato sareng Jehovah abdidalem, se apareng kamennangan ka ommadda.

Yesaya 61:1 Kobasana GUSTE Jehovah Se Mahatenggi badha e sengko', Salerana mele ban ngotos sengko' kaangguy ngeba kabar bagus ka oreng mesken ban mabaras oreng se remmok atena; kaangguy ngomommagi ka oreng tahanan ja' reng-oreng jareya bakal duli epabebasa, ban ka reng-oreng e dhalem penjara ja' aba'na bakal epakalowara. (Lukas 4:18)

Matiyus 6:13 Ja' maso'agi abdidalem ka dhalem gudha'an, namong palopoddagi abdidalem dhari se jahat. [Junandalem rato se molja sareng se kobasa salanjangnga. Amin.]' (Lukas 11:4)

Matiyus 8:16 E bakto la molae asar, bannya' oreng nyabis ka Isa ngeba reng-oreng sabannya'na se kasosoban erroh jahat. Kalaban dhabu sakeccap Isa ngojuk roh-erroh jahat jareya sarta mabaras keya sakabbiyanna oreng se sake'.

Matiyus 10:1 E settong are Isa nemballi moredda se dhubellas epakon akompol. Red-moredda jareya pas eparenge kobasa kaangguy ngojuk roh-erroh jahat ban mabaras panyaket apa'a bai ban badan se ena kantha apa'a bai. (Markus 3:14,15)

Matiyus 10:8 Pabaras reng-oreng se sake'; paodhi' pole reng-oreng se mate; pabaras reng-oreng se nyandhang panyake' kole' budhuk, ban ojuk roh-erroh jahat. Ba'na narema reya kabbi kalaban ma-coma. Daddi, berri' keya kalaban ma-coma.

Matiyus 12:26-29 Bariya keya e dhalem karaja'anna Iblis; mon se sakalombo' ngojuk sakalombo' laenna, karaja'anna Iblis jareya nyamana la aca-pecca ban bakal ancora. 27 Ba'na ngoca' ja' Sengko' reya ngojuk erroh jahat ngangguy kobasana Be'elzebul. Daddi mon kantha jareya, red-moredda ba'na se ngojuk erroh jahat ngangguy kobasana sapa? Lalakonna red-moredda ba'na dibi' noduwagi ja' ba'na sala! 28 Tape

Sengko' ngojuk erroh jahat ngangguy kobasana Errohna Jehovah. Ban jareya andhi' arte ja' Jehovah la molae marenta e nga'-tengga'anna ba'na kabbi. 29 Tadha' oreng se bisa maso' ka dhalem bengkona oreng se kowat kaangguy arampasa dhi'-andhi'na mon oreng se kowat jareya ta' etale'e gallu. Mon la mare etale'e, buru ekenneng rampas dhi'-andhi'na. (Markus 3:23-27)

Matiyus 12:43-45 "Mon erroh jahat ondur dhari settong oreng, erroh jareya alengleng man-dha'emman ka kennengngan se reng-kerreng nyareya kennengnganna bu-ambu lesso, tape ta' nemmo. 44 Daddi erroh jareya ngoca', 'Sengko' abaliya ka bengko se eonduri sengko' rowa bai.' Sanapa'na ka jadhiya, bengko jareya kosong, berse sarta la eator. 45 Erroh jareya pas ngeba erroh jahat laenna kapetto se ajahadan dhari aba'na; roh-erroh jareya pas padha maso' kabbi ka dhalem oreng gella', terros enneng e jadhiya. Ban dhi-budhina kabadha'anna oreng jareya asara'an dhari sabellunna. Reng-oreng jahat jaman sateya bakal kantha'a jareya keya."

Matiyus 15:22,26,28 Badha oreng babine' Kana'an se enneng e dhaera jareya; babine' buru nyander ka Isa sambi ra'-era'an, "Pottrana Daud, kabellasi abdidalem! Ana' bine' abdidalem kasosoban erroh jahat. Kabadha'annepon ce' sarana." 26 Dhabuna Isa, "Ta' becce' ngala' kakananna na'-kana' ban magi kakanan jareya ka pate'." 28 Isa pas adhabu ka babine' jareya, "Imanna ba'na raja onggu! Apa se daddi pangaterrona ba'na bi' Sengko' ekabbulana." E bakto jareya keya ana' bine'na baras.

Matiyus 16:19 Bi' Sengko' ba'na eberri'ana koncina Dunnyana Jehovah Se Anyar. Apa se elarang ba'na e bume, elarang keya e sowarga. Ban apa se ebendherragi bi' ba'na e bume, ebendherragi keya e sowarga."
(Matiyus 18:18)

Matiyus 17:19-21 Red-moredda Isa pas nyander ka Isa mencar dhari reng-oreng laenna, pas atanya kantha reya, "Aponapa abdina sakanca ma' ta' bisa ngojuk erroh jahat ka'dhissa??" 20 Dhabuna Isa, "Sabab ba'na ta' pate parcaja. Kaenga'e, ya! Mon ba'na andhi' iman se rajana padha ban bigina sawi bai, ba'na bisa ngoca' ka gumo' reya, 'Ngalle dha' essa'!' tanto gumo' reya pas ngalle. Tadha' barang se ta' bisa elakone ba'na! [21 Tape erroh jahat se reya pera' ekenneng ojuk bi' du'a ban powasa malolo.]"

Markus 1:23-26 E bakto jareya laju badha oreng se kasosoban erroh jahat maso' ka kennengnganna kabakteyan jareya, pas aera', 24 "Adhu, Isa, oreng Nazaret, abdidalem ka'dhinto' padha epakadiya ponapa sareng

Junandalem? Ponapa abdidalem epatompessa sadaja? Abdidalem oneng pasera Junandalem: Junandalem otosan se socce dhari Jehovah!" 25 Isa abentak erroh jahat jareya. "Neng-enneng!" ca'na dhabuna. "Kalowar dhari oreng reya!" 26 Oreng gella' bi' erroh jahat jareya edhu-ondu epasanta', saellana jareya erroh jahat buru laju kalowar dhari oreng jareya sambi atharat.

Markus 1:32-34 Saellana are compet, reng-oreng ngeba sakabbiyanna oreng se padha sake' ban kasosoban erroh jahat, egiba ka Isa. 33 Reng-oreng sakottha jareya padha agaribbung e adha'na bengko jareya. 34 Isa mabaras oreng sabannya'na se nanggung panyaket acem-macem sarta ngojuk roh-erroh jahat. Roh-erroh jahat jareya ta' eparengngagi ca'-ngoca' pa-apa, sabab roh-erroh jahat jareya tao sapa Salerana jareya.

Markus 1:39 Daddi Isa meyos ka man-dhimman e saantero Galilea, sarta akotbah e kennengangan-kennengnganna kabakteyan sarta ngojuk roh-erroh jahat.

Markus 5:8 Oreng jareya ngoca' kantha jareya polana Isa adhabu ka oreng jareya, "Erroh jahat, mara kalowar dhari oreng reya!"

Markus 6:7,13 Moredda se dhubellas edikane, laju eotos wa-kadhuwa ban eparenge kobasa ngojuk roh-erroh jahat. 13 Red-moredda Isa jareya ngojuk roh-erroh jahat sabannya'na, ngosoddagi mennya' jaitun ka reng-oreng sake' sabannya'na, ban mabaras reng-oreng jareya.

Markus 9:23-25 "Apa ca'na ba'na? Mon Sengko' bisa mabaras?" dhabuna Isa. "Apa'a bai bisa sokor ba'na parcaja." 24 E bakto jareya keya eppa'na kana' gella' aera', "Abdina parcaja, Namong kaparcaja'an abdina gi' korang. Nyo'ona tolong tamba'agi!" 25 Isa ngoladi ja' oreng se bannya' jareya molae agaribbung, daddi pas adhabu ka erroh jahat jareya, "Erroh kopok ban buwi," dhabuna, "Sengko' marenta'agi ka ba'na, mara kalowar dhari kana' reya, ban ja' sampe' abali pole!"

Markus 9:29 Dhabuna Isa, "Erroh jahat se samacemma reya ta' ekenneng ojuk ngangguy cara apa'a bai kajabana ngangguy du'a."

Markus 9:38,39 Yahya mator ka Isa, "Guru, abdina sakanca oneng nengale badha oreng ngojuk erroh jahat kalaban asmana Panjennengangan. Sareng abdina sakanca oreng gapaneka elarang, polana oreng gapaneka ta' tamaso' morettepon Panjennengangan." 39 Dhabuna Isa, "Ja' larang oreng jareya, pa'-sapa'a mabadha kaajiban kalaban ngangguy Tang nyama, ta' kera ba'-majuba' Sengko'.

Markus 16:17 Menangka bukte ja' parcaja, reng-oreng jareya bakal ngojuga erroh jahat bit Tang nyama; reng-oreng jareya bakal acaca'a ngangguy sa-basa se gi' ta' ekataowe bi' reng-oreng jareya dibi'.

Lukas 4:34-36 "He, Isa dhari Nazaret, aponapa'a Sampeyan ka kaula sadaja? Sampeyan ka'dhinto' ponapa mateyana kaula sakanca? Kaula oneng pasera Sampeyan: Sampeyan otosanna Jehovah se socce!" 35 Isa nyentak erroh jahat jareya, "Neng-enneng! Mara kalowar dhari oreng reya!" Bi' erroh jahat gella' oreng jareya ebantengngagi e adha'na oreng se bannya', saellana jareya laju kalowar dhari oreng jareya ta' kalaban nyake'e oreng jareya. 36 Reng-oreng padha getton, laju padha ngoca', "Hebat onggu bu-dhabuna. Kalaban wibawa ban kobasa oreng reya marenta roh-erroh jahat kalowar, ban roh-erroh jahat jareya kalowar onggul"

Lukas 4:41 Bariya keya roh-erroh jahat padha kalowar dhari reng-oreng sabannya'na, sambi reng-cerrengan, "Sampeyan Pottrana Jehovah!" Tape roh-erroh jahat jareya bi' Isa ebentak ban ta' eparenngngagi acaca, sabab roh-erroh jahat jareya tao ja' Isa reya Rato Panyalamet.

Lukas 7:21 E naleka jareya Isa teppa'na mabarasa oreng sabannya'na se padha sake', ngojuk erroh jahat sarta mamella' oreng se buta.

Lukas 8:29 Oreng jareya ngoca' kantha jareya polana Isa makon erroh jahat jareya kalowar dhari oreng jareya. La seggut oreng jareya ekobasae erroh jahat jareya, sampe' maske tanang ban sokona erantay sarta ejaga eparagap rantayya gi' ekenneng papegga', dineng orengnya laju egiba erroh jahat jareya ka sagara beddhi.

Lukas 9:40 Abdina ampon nyo'on tolong ka red-moredda Panjennengngan sopaja erroh jahat gapaneka ejuk, namong red-moredda Panjennengngan ta' oneng mabarasa."

Lukas 10:17-20 Red-moredda Isa se pettong polo oreng rowa la abali ce' peragga. "Guste," ca'na atorra, "roh-erroh jahat jugan atoro' manabi abdina sadaja apareng parenta ka roh-erroh jahat gapaneka kalaban asmana Panjennengngan!" 18 Dhabuna Isa, "Sengko' nangale'e Iblis gaggar dhari langnge' akantha dhab-keddhap. 19 Ba'na ebala'ana, ya! Bi' Sengko' ba'na la eberri'i kobasa sopaja ba'na bisa'a nedda' olar ban kalajengking sarta motel kakowadanna moso ta' kalaban badha apa'a bai se bisa macalaka' ba'na. 20 Tape ja' perak polana roh-erroh jahat atoro' ka oca'na ba'na. Lebbi bagus ba'na perak polana nyamana badha la ecathet e sowarga."

Lukas 11:14 E settong are Isa ngojuk erroh jahat dhari settong oreng se buwi. Saellana erroh jahat jareya kalowar, oreng jareya molae acaca. Bannya' oreng se kasambu',

Lukas 11:20-22 Tape Sengko' ngojuk erroh jahat kalaban kobasana Jehovah, ban jareya artena Jehovah la molae marenta e nga'-

tengnga'anna ba'na kabbi. 21 Mon badha oreng se kowat, se asanjata genna', ajaga bengkona dibi', dhi'-andhi'na kabbi tanto salamet. 22 Tape mon badha oreng se akowadan nyerrang, sarta se andhi' bengko jareya epakala, oreng se akowadan jareya tanto arampas sakabbiyanna sanjatana se eandellagi, dineng dhi'-andhi'na kabbi laju egi-bagi.

Lukas 13:32 Dhabuna Isa, "Kassa' kabala ka oreng se tadha' gunana jareya: 'Sateya ban lagguna Sengko' ngojuga erroh jahat ban mabarasa oreng sake', tape e are se kapeng tello' Sengko' mamareya Tang lalakon.'

Yahya 14:12 Bi' Sengko' ba'na ebala'ana sabendherra: Oreng se parcaja ka Sengko' bakal ngalakonana apa se la elakone Sengko', la'-mala' bakal ngalakonana se araja'an, sabab Sengko' entara ka Rama.

Yahya 17:15 Abdidalem ta' nyo'on sopaja Junandalem mondhut reng-oreng gapaneka dhari dunnya; Abdidalem namong nyo'ona sopaja reng-oreng gapaneka sareng Junandalem ejaga'a dhari se Jahat.

Caretana Para Rasul 10:38 Sampeyan ampon oneng parkara Isa dhari Nazaret se sareng Jehovah eparenge Errohna Jehovah sareng kobasa. Sampeyan oneng jugan ja' Isa gapaneka meyos san-kassannagi alampa'agiya kabecce'an; mabaras reng-oreng se ekobasae Iblis, sabab Isa gapaneka esarengnge Jehovah.

Caretana Para Rasul 16:17,18 Babine' jareya noro' bunte' Paulus ban sengko' kabbi, sambi reng-cerrengan, "Reng-oreng reya abdina Jehovah Se Mahaagung! Se dha' enna' mala'ana ba'na kabbi baramma carana sopaja ba'na salamedda!" 18 Pan-barampan are abidda babine' jareya ros-terrosan aera' kantha jareya. Paulus la ta' sabbar pole, daddi laju atole sarta adhabu ka erroh jareya, "Kalaban asmana Isa Almasih sengko' marenta'agi sopaja ba'na kalowar dhari babine' reya!" Sanatkala jareya keya erroh jareya kalowar dhari babine' gella'.

Caretana Para Rasul 19:11,12 Jehovah mabadha kaajiban-kaajiban kalaban parantara'anna Paulus. 12 Sampe' sottanangnga otabana kaen se ekapanyengset Paulus jareya mon egiba ka oreng sake', panyakedda elang ban erroh jahat se badha e dhalem oreng jareya laju kalowar.

Caretana Para Rasul 26:15-18 Daddi abdidalem atanya, 'Pasera Junandalem, Guste?' Guste Isa adhabu, 'Sengko' reya Isa se ekaneyaja ba'na. 16 Mara jaga, pas manjeng; Sengko' ngaton ka ba'na polana ba'na bi' Sengko' epadaddiya Tang abdi. Ba'na kodu notorragi ka oreng laen apa se etangale'e ba'na e are teya parkara Sengko' ban parkara apa se bi' Sengko' gi' eduduwagiya ka ba'na e bakto se bakal dhateng. 17 Sengko' mabebasa ba'na dhari bangsa Isra'il ban dhari sa-□ bangsa laenna se banne Yahudi. Bi' Sengko' ba'na esorowa entar ka sa-bangsa

jareya; 18 ba'na kodu mokka' matana reng-oreng jareya sopaja kalowar dhari pettengnga sarta maso' ka terrangnga, sopaja sa-bangsa jareya lopoda dhari kakobasa'anna Iblis ban ekobasae Jehovah, sopaja kalaban parcaja ka Sengko' reng-oreng jareya bakal esapora'a sarta bakal daddiya anggotana ommat peleyanna Jehovah.' "

Roma 16:20 Jehovah se apareng kataremtemman ka manossa, bakal maancora Iblis se esaba'a e baba'anna kakobasa'anna sampeyan. Moga-moga sampeyan sadaja ros-terrosan eberkadi sareng Guste Isa!

2 Korintus 2:11 Maksod kaula ngalakone ganeka sopaja Iblis ta' sampe' ngala' kasempadan kaangguy ngobasae sampeyan sareng kaula sadaja: sabab sampeyan sareng kaula sadaja oneng ponapa na-rancanana Iblis ganeka.

Galatia 1:4 Polana atoro' ka kasokanna Jehovah Ramana sampeyan sareng kaula sadaja, Almasih massra'agi Salerana daddi kurbanna sa-dusana sampeyan sareng kaula sadaja, sopaja sampeyan sareng kaula sadaja epasalamet dhari jaman se jahat paneka.

Efesus 4:27 sopaja Iblis ta' olle kasempadan.

Efesus 6:11 Agem sadajana pakakas perrang se eparengngagi Jehovah ka sampeyan, sopaja sampeyan bisa kowat ngadhebbi akkalla Iblis se juba'.

2 Tesalonika 3:2,3 Nyo'onnagi jugan sopaja Jehovah malopoda kaula sadaja dhari reng-oreng se jahat sareng bejjat. Sabab ta' sadajana oreng parcaja ka berta dhari Jehovah ganeka. 3 Nangeng Pangeran paneka esto. Sampeyan tanto epakowat sareng epasalamet dhari Se Jahat.

2 Timotiyus 2:26 Kalaban cara se kantha jareya reng-oreng jareya tanto pas enga' pole, ban kalowar dhari jebbagga Iblis se ngobasae reng-oreng jareya ban se maksa sopaja noro' karebba

2 Timotiyus 4:18 Pajat Pangeran bakal malopoda sengko' dhari sakabbiyanna ehteyar se jahat ka sengko'. Sengko' bakal ebakta'a kalaban salamet ka dhalem karaja'anna e sowarga. Mara molja'agi asmana salanjangnga! Amin.

1 Petrus 5:8 Senga' sampeyan pate-ngate! Sabab Iblis, mosona sampeyan, akadi macan ajalan san-kassannagi sambi agaung nyare mangsana.

1 Yahya 4:4 E dhalem parjalanan jareya Isa kodu lebat e Samaria.